



**LISEINSUN COVID-19 LÁNINA
HÍDERUN LASURINIATIÑU
WASHINGTON**

Lágeidina Resun



Lau ídemuri luma seinsu túmagien Sétanu Lánina Mútuhabu labu Átuadi Washington.

Lágeidina Resun

Luáguti

Buiti Achülürüni! Seremein luagu buwadigimari ídeha lidan lagumeirun dimurei luáguti Liseinsun Danaguaü Lun COVID-19 Lun Híderún Lasuriniatiñu Washington Washington. Le áluahóubei tau lágeidina ílagu le lun baderebudagüdüniwa lidan bídehan lasuriniatiña Washington. Lau bagumeirun, agurativa lau le la uganu luáguti sensu le, lachülüruba la houn sun mutu ha gayarawati lachülüragüdüniwa houn, lau giñe habusienrúba la lun habuinchagüdüni lun hálugun. Saragu seremeihabu wamá luagu bídehan lun bachouruni lun lachülürün lagütü ídemuri le houn wabesinagu ha lasuriniatiña.

Ka unti ílaguagei?

Ílaguagei to, hountu sétanuagei ha lídanbaña wabürürün, ichügüdünaü, hama lílana aüdü lun hóuserunu lun hagumeiruni dimurei luáguti Liseinsun Danaguaü Lun COVID-19 Lun Híderún Lasuriniatiñu Washington, lun tíderaguniun mutu guranda lau katoun ta, luma ida lian la tuwadigimaridun, lun giñe tíderaguniun abuinchagudoun áluguni.

Ida lian tóuserúniwa ílaguagei to

Óuserúwa la tiyawadi resun to ünabuboun lun lafareinhóuniwa uganu lánina iderebugu hama ániyu luma tuma óundaruni luma lidan sun témeriagei. Fulesi, areinsewalá keisi le auti habusienréi.

Resun luma Álagüdahóuni

Murusun luáguti dimurei le

Dimurei Íñutimatu

Ídemuri fureseti lun COVID-19—hámagien odi houn lasuriniatiñu.

Tagline

Lasuriniatiñu íderagua hámagua

Murusun dimurei

Keisi lasuriniatiñu, barüwamali Washington wabien me. Anhein lasurinia ñadibu lubéi ani báfaguña saragu ladüga COVID-19, ani mafiditibu lun ídemuri le líchugubei uruwei mani Merigana, ni lun achouragülei lánina muwadigimaríduni, bunti seinsu le. **Buíngüdüba álugei Liseinsun Danaguaü Lun COVID-19 Lun Híderún Lasuriniatiñu Washington Washington lun babihin \$1,000 lidan fayeí sügülgüti (chülü \$3,000 tuagu ka úbieni).** Míchugúnbei buáguti ítaraguárügü luma uruwei odi hama hulahüñü, liabing giñe luáguti duru lau lóuserúniwa ídemuri lúmagien uruwei, madagati luagu seinsu le. Gayarati babihin ídemuri tau áluguni to

lidan saragu iñeñei. Lídañein 6 lidan Dusu hati lagumuhóun budan lun labuinchagüdüniwa áluguni le.

Dimurei arandara timatu

Lidan Washington State, adügaña lasuriniatiñu besinadaü hougua hama nadagimeitiñu ha mégewatiñu adügatiwa lun here la seinsuhabu, ídehatiwa lidan wabürürün, téniñiwa giñe houn waduheñu.

Lidan lidani sandiagei COVID-19, wagía hanarime tímabei wabihini hañataga le, féiridi wadagumanu, odi amegeira lun watenirun houn waduheñu lau iseri igaburi. Mémegei, aban liabin meni meni uruwei, chulu lau, aban lígirun míyunuagei wádangien mabihinrúga aban lagütü ídemuri lánina seinsu, ladüga rügü tigaburi lasuriniadaü..

Aban charáü le. Sun wagía le barüwamalibei Washington keisi wabien yuti lun wíderun lun wáhuñuraguni lidereuga dan le.

Ligía ti wagía le tichügüdüna óundaruni, aban wóundarun luma uruwei lánina Washington state, lun wasetirunu sétanu lánina Liseinsun Danaguaü Lun COVID-19 Lun Híderún Lasuriniatiñu Washington. Lidan irumu le, wafareinhaba \$40 míyunu lidan CARES Seinsu lidan lúrudu íchuguti lun Washington lun líderaguniun lasuriniana ñein Washington ha mafidibaña lun habihin ídemuri lídangien liseinsun uruwei odi lídangien achouruni le lánina mawadigimarini ladüga tigaburi lasuriniadaü..

Gayarati babuinchagüdüñ áluga lun babihin \$1,000 fáyeiti sügülgüti aban wéiyasu (chülü \$3,000 tuagu ka úbieni). Mafareinrúboun buágutu ítaraguárügü luma uruwei odi hama hulahuñü, lárigi ti, mabegiboun lúrudu to luágutu habihin mutu seinsu lúmagien uruwei lidan lálugun seinsu le. Gayara ti babihin ídemuri lun babuinchagüdüñ lidan saragu iñeñei. 6 lidan Dusu hati lagumuhóun weyu lun tabuinchagüdüniwa áluguni.

Wachülaguba lídangien liñawan dan le—ladüga lasuriniana wagía íderaguéina woungua wámagua.

Ida luba layanuhóuniwa luagu seinsu

Súdiniti lun layanuhóuniwa luagu seinsu le lidan biámagubei igaburi, lun ganarünhabu la luma líchugun gurasu lidan laganbúniwa. Dan to bayanuhan luagu seinsuagei le, hóuchabá lun ítaga la:

- **Lau buíduhabuni luma hemenihabuni**—lunti wafienragüdüni linarünhabu sandiagei COVID-19, mémegei, fareinbéi uganu lánina emenigini luma gáfaguadi lau seinsuagei le.
- **Ganarünhabu**—mareinsehan lubéi seinsu le sun le mégeibei hadan gürigia, ani kei giñe le lougua la, mama sun ha lúnbaña habuinchagüdüñ lun habihuba la seinsu. Mama lunti wafienragüdüniun mutu lau habihubei la dei me wayanuhan luagu seinsuagei le.
- **Gabafuhabuni**—hanarimeti lageindawagüniwa luagu seinsuagei le lubá bei labihíñua houn lasuriniñu Washington. Ha hóunarun lasuriniñu aguarubaña lun ladügüniwa ubaraü lun seinsu le, nadagimeí hagía luma luban uruwei hama Sétanu lani Mútuhabu labu lánina Atuadi lun lanarüdüñ. Lunti wayanuhan luagu sénsuagei le keisi lasuriniatiñu lun wíderagun wóuniagua, mama kei ideweiseil lúmagien uruwei.

Katei san Liseinsun Danaguaü Lun COVID-19 Lun Híderún Lasuriniatiñu Washington?

Lílahabu

Lóunguruñadiwa COVID-19 súngebei, mémegi, saragu mutu ya mafiditiun lun seinsu le lúmagiengei uruwei lun luma le achouruni lánina mawadigimariduni ladüga tigaburi lasuriniaduaü.. Lílabei COVID-19. Gayarati babuinchagüdün áluguni lun babihin fáyeiti le sùgúlügüti lau \$1,000 aban wéiyasu, chülü \$3,000 tuagu ka úbieni.

Laon ílahabu

- Lárigi lóungurun COVID-19, óunahati meni-meni uruwei \$1,200 ídemuri houn híbeagei gürigia Meriga—ñeingien, gíbetiñu mutu gachouragületiñu lánina mawadigimariduni. Mémegi, gíbetiwa ígirútiñu bóugudi ladüga tigaburi lasuriniaduaü..
- Lun ti wóunabun, aban tiabin hóundarun lasuriniatiñu lun hayanuhan luma uruwei lun lareinsehóuniwa seinsu houn rügü lasuriniatiñu. Dan to gufurandalanu luruweite Washington mégeiguaü to ídehani, aban líchugun \$40 míyonu lun héibaguágüdünü sétanuagei to maguburahantu, lábugien lererehan Lisetanun uruwei lun Mútuhabu labu Ateniruni lun Átuadi.

Ka uwagu tadügúa Sétanu Lánina Liseinsun Danaguaü Lun COVID-19 Lun Híderún Lasuriniatiñu Washington?

Lílahabu

Keisi lasuriniatiñu, wagía tima lóugurubei COVID-19. Lunti wíchugun iderebugu wámagua guentó anhein busien wabéi lun sefu ta, suñei tugía me. Lígía lébunabei tuwadigimaridun óundaruni luma Washington State lun labihín seinsu houn lasuriniatiñu ha siñati habihin idemuri lúmagien uruwei meni-meni.

Laon ílahabu

- Añahein hougien san milu agei lasuriniatiñu Washington. Hanarimeti wamegeirúniwa lidan luweinamun agei wadagümanu ya Washington, kéiburi lidan méinabu luma tabunawagúniwa munagei— ñeingien ti ídehatiwa lau lóugien bíyonu liseinsun merigein lun meni-meni uruwei, lun Washington ubóu luma houn buri gabilidu sagü irumu. Gabesinaguátiwa, gamadaguatiwa, nadagimeí buritiwa úwara, gaduheñugua wagía.
- Wabürürün buri hanarime timabei lóunguruni COVID-19. Gíbetiñu wádangien afeidirutiñu wadagümanu, añahein ñüdüntiñu lidoun wadagümanu le hanarimeti masefun la, añahein giñe óunigirutiña haduheñu múnada ladüga sandi le. Awahein wádangien ageburihaña waduheñu ha wafeidirubaña.
- Lau sun subudin hamani saragu lau súdini wamá lidan wadagumanu luma lidan wabürürün, móuserúnwatiwa ítara: ítaranígidati uruwei meni-meni woun lau lígirun míyonu-agei wádangien bóugudin luwéi ídemuri ladüga tigaburi lasuriniaduaü..
- Ladüga ti lira hayabinbei óundaruni-agei hani lasuriniatiñu lun hídehan luma luruweite Washington state, luma tuma Sétanu lani Mútuhabu labu Átuadi, luma giñe ti

Hóundarun Lúrudu-ébuna Washington lun buga labihínea seinsu le. Sun wágía le aguarubei wabien lun Washington gadünamati lun wabihini ídemuri le amegeirúbei lun wásügürün lídangien lidereagei dan le.

Átitiñein ti gayara la nabihin lídangien seinsu le?

Íladinaü

Gayarati babuinchagüdün lun babihin aban fáyeiti sügülügüti le \$1,000 luagu ka gürigia, lun másügürün la lau \$3,000 tuagu ka úbieni. Gayarati babihini seinsu tidan chekü odi tidan gárada lánina ideweisei to Visa.

Kátaña gayarabei habuinchagüdün?

Íladinaü

Lun abuinchagüdüni luagu seinsu, le lunti:

- Lunti baganóun Washington
- Lun hóustadibu la 18 irumu
- Lun óungura ládibu la sándiagei le (afeidira wadagümanu, asandira lau hañataga le odi óunigira aban iduhei le ragúlali sandi le)
- Mafidi lun ídemuri séinsuáuti lúmagien uruwei meni-meni odi lun uwa la lachouragüle mawadigiméiduni ladüga tigaburi lasuriniaduaü.

Gayarati san habuinchagüdün saragu gürigia?

Íladinaü

Ayé, gayarati habuinchagüdün sun tílana buban ha fíditiun lun seinsu le, ñeingien ti lun hóustaña la 18 irumu. Ka gürigia lunti labuinchagüdünü gárada lánina áluguni hóungueina. Chülü hamoun 3 gürigia lun gayara la habihini seinsu (chülü \$3,000 tuagu ka úbieni)

Laon íladinaü

- Láharúba tun abuinchagüduni ítara keisi ha buingüdawagien ta ladüga gébehati seinsu le. Wíchuguba budan houn ha gíbetimabaña hamegeirun.

Ida luba nabuinchagüdün?

Íladinaü

Gayarati babuinchagüdün tidan lafanseha dimurei, lídangien lánbara odi tídangien pósutu. Dariwatu úruwagubei katoun to lidan [\[for English version: “in several languages”; for all other versions: “in insert that language”\]](#). 6 lifsn Dusu hati lagumuhóun weyu lun abuinchagüdüni.

- Lafanaseha dimurei: www.immigrantreliefwa.org
- Lánbara: 1-844-724-3737 (Leindi lun Wándaradi 9AM-9PM) (Leindi lun Wándaradi 9AM-9PM)

- Pósutu: Beluba tidoun lafanseha dimurei lun bad basagarunu gárada lánina abuinchaguágülei

Laon Íladinaü

- Lubaragien babuinchagüdün, mégeibadibu badeirun dugumendu lun barufuduni kátabu la luma baganóuwagüle Washington State. Kéiburi, gayarati bíchugu aban gárada lúmagin Estadu, gárada lánina abugahani, odi aban agubuahóuwagülei lau biri tuagu luma garederagüle. Gayarati barihini tíriagei sun dugumendu to unboun láhanrúwa.
- Buíngüdába tidan lafanseha dimurei ya www.immigrantreliefwa.org. Areinsetu abuinchagülei to lidanburi ámuñeguéinarügü iñeñei:
 - o Mirí tagachürügü
 - o Alunduna
 - o Faransu
 - o Garifuna
 - o Achiguli
 - o Koreanu
 - o Somaliana
 - o Asibañulu
 - o Swahili
 - o Tagalog/Filipinu
 - o Vietnámuna
- Anhein anihein lubéi álagüdahóuni buma, waba houn Washington Immigrant Solidarity Fund (WAISN) lánbara lun sun dan lidoun 1-844-724-3737 (Leindi lun Wáandaradi 9AM-9PM). Anihein ídemuri sagü weyu lúmagien 6 binafin lun 9 guñoun, lárigi, badeiruba mutu lun hídehan lidan saragu iñeñe.
- Lárigi babuinchagüdün, babihuba iseri tuáguti babuinchagüle áluga lídangien emeili luma bürüti lidoun bilanbaran. Hasubudiragüdübei bun lidan 3 dimasu lárigi babuinchagüdün anhein ánhawa lubéi tun bálugun. Anhein ánhawa tun bálugun babihuba fáyeiti lidan 2 dimasu lárigi lira.
- Kei le gébeha la seinsu, mama sun abuinchagüdütiñu lun habihubei la.

Anuhán buri dugumentu to gayarati bóuserunu lun barufuduni kátabu la luma baganóuwagüle Washington State. Fulesi lun ñein ta iyawaü to harumatu buma:

- Aban katoun tídangien Lista A, odi
- Aban katoun tídangien Lista B tuma Lista C

Lista A: Gárada lánina Arederagülei tuma to Arufudutu Kátabu la	Lista B: Dugumendu to Asubudiragüdüti Kátabu la	Lista C: Gárada to arufuduti lau gagaradan ba to lánina aganóuni Meriga
--	--	--

<ul style="list-style-type: none"> • Gárada lúmagien Washington State to arufudutu iri dayaruti luma arederagülei ñein • Gárada Washington to lánina abugahani to arufudatu iri dayaruti luma arederagülei ñein • Gárada lánina furendei to lídantu Washington state to buídugiru • Furumienguárügü agubuahóuwagülei to barütumuti biri dayarugu luma baganóuwagüle Washington • Agubuahóuwagülei to lánina bilanbaran le ümadaruguna odi le tánina lafanseha dimurei arufudeina biri dayarugu labu arederagülei Washington • Gárada táni achouragülei to arufudutu biri dayarugu luma ganóuwagüle Washington state • Garada to hátióutu túmagien Budisi to arufudutu biri dayarugu luma baganóuwagüle Washington state • Lebegi uruwei (tax) le lánina 2019 arufudei biri dayarugu luma barederagüle Washington • Gárada lánina baguburahan lídangien wadagümanu, to arufudati biri dayarugu luma barederagüle Washington • Gárada lánina bafayeihanú baganóuwagüle Washington lau biri dayarugu 	<p>🏠 Aturiahati: Gárada lánina afurendeirúni tidan furumien guárügü luban furendei</p> <p>🏠 Pasaporute lídangien furumienguárügü ubóu</p> <p>🏠 Gárada lúmagientu Lóunagüle uruwei</p> <p>🏠 Gárada lánina águrahóuwagülei</p> <p>🏠 Gárada lánina abugahani lidan ubóu</p> <p>🏠 Gárada lánina tarirahóun Metro to barütu iyawaü</p>	<p>🏠 Aban gárada fiúwatu labu dan táfiurúniwa* lau iri dayaruti luma lilanbaran gúrigia tídangienburi:</p> <ul style="list-style-type: none"> o Tabureme munagei asubusiragüdei aganóuni Washington o Aban ichügüdinaü tídangien ligilisi, asubusiragüdei barederagüle Washington
---	---	---

*Gayarabei bóuseruni tigaburi gárada to lun abuinchagüdüni le.

Séfuti san nuáguti tidan abuinchagüdüni to?

Íladinaü

Sun le bíchugubei buwougua ya mafareinhóuwabei lau lumerengun luma uruwei, hama hulahüñü, ni hama tágüdaha odi hama taburee múnagei, ni hama iyubudirigu, labu ni ka uma.. Sun uwaguti le lareidúba lau gariñaguní lun lásienrun lasagarúniwa.

Laon íladinaüAdditional messages

- Le ligaburi wadaradun luma Sétanu lun Mútuhabuni labu Átuadi lidan Washington Estóu, ha rügüñanu mutu tí dangien Scholarship Junkies (to hóundarun gürigia to arihuboun lau seinsu), gayara habelurun tidoun abuinchagüdüni tuma ti Fair Work Center, tabu Seattle Credit Union (ha afareinrubani seinsu). Mafareinrun wabóun buágutu ni ka uma amu. Mémegi, anhein dügü ñüburí aban áluguni lúmagien lábuti lúrudu, másianrúnti lau lábugien ñein la lúrudu lun wígiragüdüni uwaguti le lánina gürigia. Hénreguti lun lanügüba la le fulasu, mémegi, másiarúnti.

Ída lian ti téibaguágüdüniwa kapá?

Íladinaü

Óundaraguni to hani lasuriniatiñu lidan bürürü Washington—hagía meme ha aguarubaña lun ladeirún kapá. Íderúwatiñu túmagien Sétanu Lánina Mútuhabu luma Latenirún lun Átuadi.

Laon Íladinaü

- Hóundaruna óundaruni to hánina lasuriniatiñu lidan sun estadu aban hadügün úmariduaü luma uruwei, le Sétanu lun Mútuhabuni labu Átuadi lidan Washington Estóu, le Hóundarun Lúrudu Ébuna Washington lun habihini kapá le. Lau sun anihein la Washington Estóu íchiga seinsu lun ameinieruni, mahandilihántiñu ni kata le hawaguti mutu.
- To óundaruni to arihuboun lau seinsu tugía asetirubaní le lunbei lanügün fulasu, atenirubaña tun áluguni hámagien mutu, farein seinsu, luma lakipurúniwa sun hawaguti mutu areidalu lidan fulasu chóruti. Anuhán buri óundaruni to abugurubaní:
 - o Asian Counseling and Referral Service
 - o Colectiva Legal del Pueblo
 - o Fair Work Center
 - o Legal Foundation of Washington
 - o Northwest Immigrants Rights Project
 - o Nuestra Casa
 - o OneAmerica
 - o Raiz of Planned Parenthood
 - o Scholarship Junkies
 - o Seattle Credit Union
 - o Washington Census Alliance
 - o Washington Dream Coalition
 - o Washington Immigrant Solidarity Network
- Sun buri óundaruni buri to gádanbaní larihín luáguti seinsu le, barüharu bandi irumu nadagimeí hama lasuriniatiñu, kéisigü giñe hama nadagimeitiñu méinabu, nadagimeitiñu ha ünabuti hagañeirun, lasuriniatiñu ha Würitiun, Bisarawaga, LGBTQIA2+, ha aganóuniñu lau libimen hitaü, luma hama bandi amu. Hanarimeti híchagun hougua lun buídumebei luma lóunigirúniwa hawaguti lasuriniatiñu.

Ánhana san abiha seinsu lidangien kapá le, lagadeirubéi san nuáguti luwéi me nabihin bisa odi nigaradan lun naganóun Meriga ámuñegu ladüga nabihin seinsu le haseinsun mutu?

Íladinaü

Inó. Ladüga le lóuserúniwa seinsu le kéisi aban wéiyasu ladüga ídemuri le lánina danaguaü lílabei ti le lau siñá la lanügüniwa kei seinsu le auti bíderúwa lun bawiwandun lídangien haseinsun mutu. Dan le babihini seinsu le, mañawarihan lubéi ligaburi babihinu bigaradan.

Laon Íladinaü

- Reiti guen le, subudinwamuti lau mañawarihanlani seinsu lánina danaguaü lúrodu le lánina lóuserún liseinsu ubóu. Mamegeirúnwati larinwagún luáguti seinsu le tun USCIS. Gama lumoun, Ítara keisi ligaburi laderun lilurudun meni-meni uruwei, siñati wachouruni lau masansirúnbei la katei ámuñegü.

Katoun tabu Ílagu Lánina Asubudiragüdüni

Óuserabóun ariwasei to lun lagumeirúniwa luáguti Liseinsun Danaguaü Lun COVID-19 Lun Híderún Lasuriniatiñu Washington tidan bürürü. Fulei lun búaraguágüdünu tuma bisetanu lábugien tima bumalali. Busientiwa lun habuinchagüdünu sun ka fíditiñu lun labihínua seinsu le. Hanarimeti lufuresen lamegeirúniwa seinsu le lun lachorúniwa lau habihubei la wabesina hama wamadagu llasuriatiñu ídemuri le yubei houn.

Abeluragülei le uwagubei wasaminara

#WAImmigrantRelief
#WACOVIDRelief

Ligaburi le lunbe lachühóuniwa hadan mutu tídangien lafanseha dimurei

Féisibuku

- Keisi lasuriniatiñu, barúwamuti Washington lun wabien. Anhein lasurinia ñadibu lubéi, lárigen ti básügürüña lidere dan ladüga COVID-19, ñeingien siñati babihin ídemuri lúmagien meni-meni uruwei ni ídemuri túmagien lachuragüle mawadigiméiduni, buíngüda ba álugei Liseinsun Danaguaü Lun COVID-19 Lun Híderún Lasuriniatiñu Washington.
- anihein \$1,000 ídemuri lau seinsu (chülü \$3,000 tuagu ka úbieni). Buíngüdába áluguni lidoun www.immigrantreliefwa.org.
- Darañu tian abuinchaguágülei lun Liseinsun Danaguaü Lun COVID-19 Lun Híderún Lasuriniatiñu Washington! Mafareinrúnwaboun tila abuinchagüdüni to luma uruwei odi

Hulahüñü, liabin giñe ti lúrudu lánina labihin haseinsun mutu mabegiti lidan dan le. Subudin ba tima ani buíngüda ba ya www.immigrantreliefwa.org.

- Lasuriniatiñu HOUN Lasuriniatiñu adügübani Liseinsun Danaguaü Lun COVID-19 Lun Híderún Lasuriniatiñu Washington. Daragu tian abuinchaguágülei lánina ídemuri houn ha óungura láñabaña COVID-19, ha siñabei habihin idemuri lúmagien meni-mein uruwei luma tídangien lachouragüle mawadigimeini. Anihein laun subudi luma lun abuinchagüdüni ya www.immigrantreliefwa.org.
- Íderaguátiñu lasuriniatiñu houngua. Buíngüdaba tuagu Liseinsun Danaguaü Lun COVID-19 Lun Híderún Lasuriniatiñu Washington, aban iseri séisuagei adügüti houn lasuriniatiñu ha lóungurubaña lisandiagei coronavirus. Furendei ba tima ani buíngüda ba ya www.immigrantreliefwa.org.

Twitter

- Íderaguátiñu lasuriniatiñu houngua. Buíngüdaba luagu iseri #WAImmigrantRelief Fund. Anhein lasurinia ñadibu lubéi ani óungura ládibu #COVID19, gayarati fídi ba lun \$1milu lidan ídemuri (chülü lumoun \$3milu tidan ka úbieni). Lun bafurendeirún tima + buíngüda ba ya odi baguarun 1-844-724-3737 (Leindi lun Wáandaradi 9AM-9PM) / www.immigrantreliefwa.org.
- Le Liseinsun Danaguaü Lun COVID-19 Lun Híderún Lasuriniatiñu Washington: Lasuriniatiñu HOUN Lasuriniatiñu. Chóruti tila bigaradan + Mafareinrúwabei luma uruwei odi Húlahüñ, madagati lidoun lúrudu le lánina labihin seinsu lídangien liseinsun ubóu. Anhein lasurinañadibu lubéi ani óungura lumutibu COVID-19, Furendei ba, buíngüda buguya me guentó. www.immigrantreliefwa.org.
- Anhein lasurinañadibu lubéi ani óungura lumutibu COVID-19, ani siñabei habihin idemuri lúmagien meni-meni uruwei luma tídangien lachouragüle mawadigimeini, buíngüda ba tuagu Liseinsun Danaguaü Lun COVID-19 Lun Híderún Lasuriniatiñu Washington (#WAImmigrantRelief Fund). Anihein chülü \$1milu ídemuri lánina danaguaü (chülü lumoun \$3milu tidan ka úbieni). www.immigrantreliefwa.org
- Ídemuri lánina danaguaü COVID-19—Hámagien lasuriniatiñu. Anhein lasurinin ñadibu lubéi ani siñati babihin ídemuri lúmagien meni-meni uruwei luma tídangien achouragülei lánina mawadigiméini, buíngüdába Liseinsun Danaguaü Lun COVID-19 Lun Híderún Lasuriniatiñu Washington, ugentó, gayarati babihin chülü \$1milu ídemuri \$\$
www.immigrantreliefwa.org

Instagram

- Le Liseinsun Danaguaü Lun COVID-19 Lun Híderún Lasuriniatiñu Washington: Lasuriniatiñu HOUN Lasuriniatiñu. Ladügünbei Liseinsun Danaguaü Lun COVID-19 Lun Híderún Lasuriniatiñu Washington lun líchugun iderebugu houn lasuriniagu ha wabesinanbaña hama ha nadagimeibaña, ha óungura láñabaña COVID-19. Anhein básügürüña lubéi lidere dan odi amu basubudirágun ani siñati habihini seinsu le líchugubein meni-meni uruwei odi la achouragülei lánina mawadigimeini, buíngüda ba tuagu Liseinsun Danaguaü Lun COVID-19 Lun Híderún Lasuriniatiñu Washington lun babihin chülü \$1milu seinsu (chülü lumoun \$3milu tuagu ka úbieni). Furendei ba tima ani buíngüda buguya me ya www.immigrantreliefwa.org. #WAImmigrantRelief
- Keisi lasuriniatiñu, barúwamuti Washington lun wabien me. Anhein lasurinia ñadibu lubéi, lárigen ti básügürüña lidere dan ladüga COVID-19, ñeingien siñati babihin ídemuri lúmagien meni-meni uruwei ni idemuri túmagien lachouragüle mawadigiméiduni, buíngüda ba álugei Liseinsun Danaguaü Lun COVID-19 Lun Híderún Lasuriniatiñu Washington.

- Anihein \$1milu ídemuri lau seinsu (chülü \$3milu tuagu ka úbieni). Mafareinrúnwaboun tila bigaradan ítaraguárügü luma uruwei, ni hama hülähüñü, mabeluti lilurudun labihin seinsu lídangien liseinsun ubóu. Buíngüdába áluguni lidoun [#WAIImmigrantRelief](http://www.immigrantreliefwa.org)
- Anhein lasurinañadibu lubéi ani óungura lumutibu COVID-19, ani siñabei habihin idemuri lúmagien meni-meni uruwei luma tídangien lachouragüle mawadigimeini? Ligía wóundarunbei tumoun amuñeguéina sétano hani lasuriniatiñu lidan Washington Estóu lun ladügüniwa Liseinsun Danaguaü Lun COVID-19 Lun Híderún Lasuriniatiñu Washington (#WAIImmigrantRelief Fund). Gayarahali lubéi ti babuinchagüdün áluga \$1milu ídemuri lánina danaguaü (chülü lumoun \$3milu tidan ka úbieni) lidan [#WAIImmigrantRelief](http://www.immigrantreliefwa.org).
- Lasuriniatiñu HOUN Lasuriniatiñu. Ligía tidasinbei Liseinsun Danaguaü Lun COVID-19 Lun Híderún Lasuriniatiñu Washington. Anhein lasurinañadibu lubéi ani óungura lumutibu COVID-19, ani siñabei habihin idemuri lúmagien meni-meni uruwei luma tídangien lachouragüle mawadigimeini, buíngüda ba ya guentó! Gayarati babuinchagüdün áluga \$1milu ídemuri lánina danaguaü (chülü lumoun \$3milu tidan ka úbieni) Furendei tima ba lidan [#WAIImmigrantRelief](http://www.immigrantreliefwa.org)

Bürüti le chátiti lun bürütu (rubei giñe tani WIRF logo)

- Lasuriniatiñu íderagua hámagua
- Ídemuri lánina danaguaü COVID—Hámagien Lasuriniatiñu HOUN Lasuriniatiñu.
- Buíngüdaba luagu seinsu lun COVID-19. Visit www.immigrantreliefwa.org odi baguarun lidoun 1-844-724-3737 (Leindi lun Wáandaradi 9AM-9PM).
- Liseinsun Danaguaü Lun COVID-19 Lun Híderún Lasuriniatiñu Washington. Choru lian sefu ligía.
- Buíngüdába áluguni guen to.

Émeri lun liraügua dawa

Óuserúwa la murusun bürüti le lun ladügüniwa murusun arufudahóuni lun bagürün aban dawa bungua lun bídehan afareinhei luáguti kapá luma ti lun habimehóun mutu lun háluguni seinsu. Buiti giñe lun bíchagun bungua labu bumalali lidoun dawa, Ítara ti barufuduña lau gasudini la seinsu le bun.

Keisi lasuriniatiñu, barüwamali Washington wageira me.

Nadagimeitiwa wagü weyu lun wíderuni wabürürün.

Uguñe, lau sandi le agadeirei sun geyeguti woun, dánhali lun wabihini iderebugu le gadüna wabéi.

Aban hadügüni Lasuriniatiñu Liseinsun Danaguaü Lun COVID-19 Lun Híderún Lasuriniatiñu Washington lun lídehan lau awalidaguni lidan danaguaü.

Anhein lasurinañadibu lubén ani báfaguña lidere dan ladüga COVID-19, ñeingien ti siñati babihin seinsu le lúmagienti meni-meni uruwei, bun ti seinsu le.

Gayarati giñe ti babihin \$1,000 luma chülü \$3,000 tuagu ka úbieni. Chóruti tíladina bigaradan.

Buíngüdabéi áluguni lubaragien 6 lidan Dusu-hati. Anhein busien bubéi bafurendeirún tima, beluba tidoun www.immigrantreliefwa.org

Lasuriniatiñu wagía, ñeingien ti wíderaguña lasuriatiñu wáladi.

Dan me ha le gayara la, hemenitiwa lun líchugúniwa murusu tuáguti bóudarun labu tani logo luma giñe ti le tani WIRF logo.

Emeri tun resun bürütu

Íbiri [iri]. Nugía [biri] tídangien [tiri bóundarun]. Busientina nachouruni lau subudinbani luáguti luáguti iseri seinsu lánina danaguaü - le hareinserubéi Lasuriniatiñu HOUN Lasuriniatiñu Washington. Houn ti gürigia ha mafidibaña lun liseinsus coronavirus lúmagien meni-meni uruwei ladüga tigaburi lasuriniaduaü.. Gayarati babihin \$1milu lun líderagunibu habu biduheñu. Furende tima ba luagu ñeingien aban me babuinchagüdün ya www.immigrantreliefwa.org.

Hi [iri]. I'm [biri] from [tiri bóundarun]. Buíngüdadibu san luagu Liseinsun Danaguaü lun COVID-19 Lun Híderún Lasuriniatiñu Washington? Gayarati babihin \$1milu lun líderagunibu habu biduheñu lidan lidani sandiagei COVID-19. Subudigüdabei nun anhein anihein lubéi álagüdahóuni buma, Furendeibe tima luáguti odi buíngüda ba ya www.immigrantreliefwa.org.

Hi [iri]. I'm [biri] from [tiri bóundarun]. Gayaragili babuinchagüdün luagu Liseinsun Danaguaü lun COVID-19 Lun Híderún Lasuriniatiñu Washington! Buíngüdadá ya www.immigrantreliefwa.org lubaragien 6 lidan Dusu-hati, gayarati giñe babihin \$ 1milu lun bíderagun bungua hama biduheñu.

Igaburi lun lila ímeili

Hi [iri], I'm [biri] from [tiri bóundarun].

Keisi lasuriniatiñu, barüwamuti Washington lun wageira me—lárigi, mégeitiwa wíderagun woungua ya lidan lidani sándiagei le. Hámagien lasuriniatiñu ladügua Liseinsun Danaguaü lun COVID-19 Lun Híderún Lasuriniatiñu Washington houn lasuriniatiñu háladi lun líchugúniwa ídemuri lánina. Anhein lasuriniadibu lubéi le áfagei lóungurun COVID-19, ani mafiditibu lun ídemuri lúmagien le meni-meni uruwei ni lúmagien achouruni lánina mawadigiméiduni, bunti seinsu le.

Buíngüdaba luagu Liseinsun Danaguaü lun COVID-19 Lun Híderún Lasuriniatiñu Washington lun babihin \$1,000 sügülüti aban wéiyasu (chülü lumóun \$3,000 tuágu ka úbieni).

Hámagien sétanu hani lasuriniatiñu ladügüa sénsuagei kéiburi [tiri bóundarun]. Wagía [ori hagia] éibaguágüdübaní kapá ani atenirubei sun abuinchagüdüni labu seinsu, másügüragüdün wabéi buáguti ítaraguárügü lun uruwei odi hulahüñü. Madügabei lilurudun labihín seinsu le

liseinsun ubóu lidan dan le. Gayarati babihin ídemuri tabu babuinchagüdün ya [[Lidan Alunduna: “lidan saragu iñeñei”](#); [sun to amu turuyeri: “lidan *ruben iñeñei lugía*”](#)].

Subudigüda ba woun anhein anihein lubéi álagüdahóuni buma! Furendei tima ba lubügürü buíngüda bugía me ya www.immigrantreliefwa.org.